





李太白文集卷之三十

錢塘王琦琢崖輯註

濟魯川較

詩文拾遺共五十七首

雜言用投丹陽知己兼奉宣慰判官

唐時丹陽郡即潤州

也屬江南東道肅宗至德元載十一月以崔渙為江南宣慰使所謂宣慰判官乃渙之僚屬也  
太白有上崔相渙詩數首  
此詩乃與其僚屬者歟

客從崑崙來遺我雙玉璞云是古之得道者西王母

食之餘食之可以凌太虛愛之頗謂絕今昔求識江

淮人猶乎比石如今雖在卞和手口口正憔悴了了

知之亦何益恭聞士有調相如始從鎬京還復欲鎬

京去能上秦王殿何時迴光一相盼欲投君保君年

幸君持取無棄捐無棄捐服之與君俱神仙抱朴子玉亦仙

藥經曰服金者壽如金服玉者壽如玉也又曰服元

真者其命不極元真者玉之別名也令人身輕飛舉

不但地仙而已不可用已成之器傷人無益當得璞

玉乃可用也○此詩多有缺文訛字與下八首蕭氏

本皆不錄唯姑蘇繆氏

依宋本所刊者有之

南陵五松山別荀七南陵五松山俱見十二卷註

六卽穎水荀何慙許郡賓六卽唐詩類苑作軒昂琦按六字恐是草書君字之

說相逢太史奏應是聚賢人玉隱且在石蘭枯還見

春俄成萬里別立德貴清真後漢書陳寔字仲弓穎川許人也荀淑字季和



穎川穎陰人也異苑陳仲弓從諸子姪造荀季和父子于時德星聚太史奏五百里內有賢人聚論衡美玉隱在石中左傳太上有立德

觀魚潭

觀魚碧潭上木落潭水清日暮紫鱗躍圓波處處生涼烟浮竹盡秋月照沙明何必滄浪去茲焉可濯纓

左思蜀都賦鮮以紫鱗潘岳詩游魚動圓波劉良註圓波謂魚動波起而圓也

自廣平乘醉走馬六十里至邯鄲登城樓覽古

書懷

廣平唐時郡名卽洛州也隸河北道邯鄲縣名初隸洛州代宗永泰中改隸磁州

邯鄲音寒單

醉騎白花駱

一作馬

西走邯鄲城揚鞭動柳色寫鞞春

風生入郭登高樓山川與雲平深宮翳綠草一作雄都半古

塚萬事傷人情相如章華當作臺巔猛氣折秦嬴兩虎

不可鬪廉公終負荆提攜袴中兒杵臼及程嬰空孤

獻一作立孤就白刃必死耀丹誠平原三千客談笑盡豪

英毛君能穎脫二國且同盟皆為黃泉土使我涕縱

橫磊磊石子崗蕭蕭白楊聲諸賢一作賢豪沒此地碑版

有殘銘太古共今時由來互衰榮傷哉何足道感激

仰空一作虛名趙俗愛長劍文儒少逢迎閑從博徒一作

陵遊帳飲雪朝醒一作中醒歌酣易水動鼓震叢臺傾日

落把燭歸凌晨向燕京方陳五餌策一使胡塵清毛



詩傳白馬黑鬣曰駱吳均詩聊爲路旁人寫鞞長楸  
北韻會鞞馬勒也史記藺相如傳以相如功大拜爲  
上卿位在廉頗右廉頗曰我爲趙將有攻城野戰之  
大功藺相如徒以口舌爲勞而位居我上吾羞不忍  
爲之下宣言曰我見相如必辱之相如聞不肯與會  
每朝時常稱病不欲與廉頗爭列相如出望見廉頗  
引車避匿舍人相與諫相如曰公視廉將軍孰與秦  
王夫以秦王之威而相如廷叱之辱其群臣獨畏廉  
將軍哉顧強秦之不敢加兵于趙者徒以吾兩人在  
也今兩虎共鬪其勢不俱生吾所以爲此者以先國  
家之急而後私仇也廉頗聞之肉袒負荆至相如門  
謝罪曰鄙賤之人不知將軍寬之至此也卒爲刎頸  
之交索隱曰負荆者荆楚也可以爲鞭其章臺見秦  
王事見十五卷註秦本紀孝王曰昔伯翳爲舜主畜  
畜多息故有土賜姓嬴今其後世亦爲朕息馬朕其  
分土爲附庸邑之秦使復續嬴氏祀號曰秦嬴趙世  
家屠岸賈攻趙氏于下宮殺趙朔滅其族趙朔妻成  
公姊有遺腹走公宮匿趙朔客曰公孫杵臼謂朔友  
人程嬰曰胡不死程嬰曰朔之婦有遺腹幸而男吾  
幸而女吾徐死耳居無何而朔婦免身生男屠

岸賈聞之索于宮中夫人置兒絝中祝曰趙宗滅乎  
若號卽不滅若無聲及索兒竟無聲程嬰謂公孫杵  
白曰今一索不得後必且復索之奈何二人謀取他  
人嬰兒負之衣以文葆匿山中程嬰出謬謂諸將曰  
誰能與我手金吾告趙氏孤處許之發師隨程嬰攻  
殺杵自與孤兒然趙氏真孤乃反在居十五年晉景  
公疾卜之大業之後不遂者爲崇景公問韓厥厥知  
趙孤在乃曰大業之後在晉絕祀者其趙氏乎具以  
實告景公與韓厥謀立趙孤名而匿之宮中諸將入  
問疾景公因韓厥之衆以脅諸將而見趙孤趙孤名  
曰武遂攻屠岸賈滅其族及趙武冠爲成人程嬰乃  
謂趙武曰昔不宮之難我非不能死我思立趙氏之  
後今趙武旣立爲成人復故位我將下報趙宣孟與  
公孫杵自遂自殺毛遂脫穎見十六卷及二十六卷  
註說文磊象石也太平寰宇記邯鄲縣有石子岡隋  
圖經云歷陵城西十里有石子岡實山也而高大有  
豕如硯子世謂之硯子冢是趙簡子冢古詩驅車上  
東門遙望北郭墓白楊何蕭蕭松柏夾廣路諸賢另  
指當時賢豪死葬于石子岡者故下文以大古今時  
雙承言之謝靈運詩碑版誰聞傳史記信陵君傳公



子聞趙有處士毛公藏于博徒薛公藏于賣漿家公  
子欲見兩人兩人自匿不肯見公子公子聞所在乃  
間徒步從此兩人游甚歡易水在燕地去邯鄲甚遠  
用之此處恐誤元和郡縣志叢臺在磁州邯鄲縣城  
內東北隅陶潛詩提劍出燕京漢書賈誼傳及欲試  
屬國施五餌三表以係單于顏師古註賈誼書謂賜  
之盛服車乘以壞其目賜之盛食珍味以壞其口賜  
之音樂婦人以壞其耳賜之高堂邃宇倉庫奴婢以  
壞其腹于來降者上以名幸之相娛樂親酌而手食  
之以壞其心此五餌也○駱音洛鞞苦貢切空去聲

佩

孫音

### 月夜金陵懷古

蒼蒼金陵月空懸帝王州天文列宿在霸

一作鼎

業大

江流淥水絕馳道青松摧古邱臺傾鳩鵲觀宮沒鳳  
皇樓別殿悲清暑芳園罷樂游一聞歌玉樹蕭瑟後

庭秋一作于古不勝愁○謝朓詩江南佳麗地金陵

道宋書大明五年初立馳道天子所行道也今之中

又自承明門至于元武湖六朝事跡宋孝武帝作馳

道自閭闔北出承明抵元武湖十餘里為調馬之所

也古邱謂六代時陵墓鳩鵲觀六朝所建宮室今不

可考景定建康志案宮苑記鳳凰樓在鳳臺山上宋

元嘉中建有鳳凰集此為名晉書太元二十一年春

正月造清暑殿景定建康志清暑殿在臺城內晉孝

武帝建殿前重複道通華林園爽塏奇麗天下無

比雖暑月常有清風故以為名太平寰宇記樂遊苑

在覆舟山南北連山築臺觀苑內起正陽林光等殿

六朝事跡樂遊苑輿地志云在晉為藥園宋元嘉中

以其地為北苑更造樓觀後改為樂遊苑宋孝武大

明中造正陽林光殿于內侯景之亂焚毀畧盡陳天

嘉六年更加修葺陳亡遂廢其地在覆舟山南去縣  
六里隋書陳禎明初後主作新歌詞甚哀怨令後宮  
美人習而歌之其辭曰玉樹後庭花花開不復久時  
人以歌識此  
其不久兆也



金陵新亭

方輿勝覽新亭在建康府城南十五里江南通志新亭在江寧府城西南

十五里俯近江渚一名中興亭

金陵風景好豪士集新亭舉目山河異偏傷周顛情

四坐楚囚悲不憂社稷傾王公何慷慨千載仰雄名

晉書過江人士每至暇日相邀出新亭飲宴周顛中座而嘆曰風景不殊舉目有江山之異皆相視流涕惟王導愀然變色曰當共戮力王室克復神州何至作楚囚相對泣耶衆收淚而謝之○顛音以

庭前晚開花

西王母桃種我家三千陽春始一花結實苦遲爲人

笑攀折啣啣長咨嗟

漢武內傳七月七日王母至侍女以玉盤盛仙桃七顆大如鴨

卵形圓青色以呈王母母以四顆與帝三顆自食桃味甘美口有盈味帝食輒收其核王母問帝帝曰欲



種之王母曰此桃三千年一開花三千年一結實中夏地薄種之不生帝乃止

宣城長史弟昭贈余琴溪中雙舞鶴詩以見志

琴溪在寧國府涇

縣見十九卷註

令弟佐宣城贈余琴溪鶴謂言天涯雪忽向窓前落

白玉為毛衣黃金不肯博當風振六翮對舞臨山閣

顧我如有情長鳴似相託何當駕此物與爾騰寥廓

韻會博  
貿易也

### 暖酒

熱暖將來賓鐵文暫時不動聚白雲撥却白雲見青

天撥頭裏許便乘仙

寶藏論賓鐵出波斯堅利可切  
金玉○琦按庭前晚開花及此

首語尤凡俗  
不類太白

### 右九首見繆氏本

### 戲贈杜甫

飯顛山頭

撫言作飯顛山前  
一作長樂坡前

逢杜甫頭戴笠子日卓

午借問別來

撫言作因何  
一作新來

太瘦生總為從前

撫言作  
祇為從

來作詩苦

元和郡縣志長樂坡在京兆府萬年縣東北十三里卽漉川之西岸舊名漉阪隋文帝惡其阪名改曰長樂坡雍錄通化門東七里有長

樂坡下臨漉水本名漉阪隋文帝惡其名音與反同故改阪為坡自其北可望長樂官故名長樂坡也歐

陽永叔曰太瘦生唐人語也至今猶以生為語助如

作塵生何似  
生之類是也

### 右一首見唐本事詩

唐本事詩李白才逸氣高與  
陳拾遺齊名先後合德其論

詩云梁陳已來艷薄斯極沈休文又尚以聲律將  
復古道非我而誰故陳李二集律詩殊少嘗言寄  
興深微五言不如四言七言又其靡也况使束干  
聲調俳優哉故戲杜曰飯顆山頭逢杜甫云云蓋  
譏其拘束也○此詩又見摭言  
唐詩紀事云此詩載唐舊史

### 寒女吟

昔君布衣時與妾同辛苦一拜五官郎便索邯鄲女  
妾欲辭君去君心便相許妾讀靡蕪書悲歌淚如雨  
憶昔嫁君時曾無一夜樂不是妾無堪君家婦難作

起來強歌舞縱好君嫌惡下堂辭君去去後悔遮莫

按通典漢時中郎將分掌三署郎有議郎中郎侍郎  
郎中凡四等無員多至千人三署者五官左右也凡  
郎官皆主更直執戟宿衛諸殿門出充車騎年五十  
以上者屬五官五官中郎將比二千石五官中郎比



六百石五官侍郎比四百石五官郎中比三百石鮑  
照詩洛陽少年邯鄲文古詩上山採靡蕪下山逢故  
夫長跪問故夫新入復何如新人雖言好未若故人  
姝顏色類相似手爪不相如新人從門入故人從閣  
去新人工織縑故人工織素織縑日一匹織素五丈  
餘將縑來比素新人不如故遮莫俚語儘教也見六  
卷

### 會別離

結髮生別離相思復相保如何日已遠五變庭中草  
泖泖天海途悠悠漢江島但恐不出門出門無遠道  
道遠行既難家貧衣復單巖風吹雨雪晨起鼻何酸  
人生各有志豈不懷所安分明天上日生死誓同歡

梁元帝纂要冬風曰巖風○文苑英華郭茂倩樂府  
俱作孟雲卿詩詩題文苑作離別曲樂府作生別離

右二首見才調集

初月

玉蟾離海上 白露濕花時 雲畔風生爪 沙頭水浸眉

樂哉絃管客 愁殺戰征兒 因絕西園賞 臨風一咏詩

曹子建詩 清夜游西園 飛蓋相

追隨明月 澄清景列宿 正參差

雨後望月

四郊陰靄散 開戶半蟾生 萬里舒霜合 一條江練橫

出時山眼白 高後海心明 為惜如團扇 長吟到五更

班婕妤怨歌行 裁成

合歡扇 團團似明月

對雨

卷簾聊舉目。露濕草綿綿。古岫披雲毳。空庭織碎烟。

水紅

文苑英華註云疑作紋

愁不起。風線重難牽。盡日扶犁叟。

往來江樹前。

廣韻山有穴曰岫獸毛之縟細者為毳又曰毳細布也犁墾田器也。岫音袖

脆毳音

### 曉晴

野涼疎雨歇。春色偏萋萋。魚躍青池滿。鶯吟綠樹低。  
野花妝面溼。山草紐斜齊。零落殘雲片。風吹桂竹溪。

### 望夫石

見二十四卷註

髣髴古容儀。含愁帶曙輝。露如今日淚。苦似昔年衣。  
有恨同湘女。無言類楚妃。寂然芳靄內。猶若待一作帶